

頭蓮嶽晚當衙傳經世業君堪繼不用瞻雲苦
憶家

蒙 恩予告給驛

多病無能合罷官虛蒙賜傳 主恩寬由來禮
數橫經渥無復間關行路難稚子解誇新雨露
長年如狎舊風湍空然戀闕成何事早晚滄江
一釣竿

登山

震嶽居然五嶽尊中峰忽爾衆峰蹲天含萬象

平開闔海浴雙丸對吐吞終古松蘿清石骨有
時巉巖暗雲根秦厓宋障俱陳迹嗚咽幽泉與

細論

六龍馳道出雲邊絕頂栽差更可憐阿閣迴開
羣帝府晴闌微辨九州煙卽看嵩華疑無地却
借滄溟別有天漫道蓬萊應只尺茂陵松栢正
凄然

矯首初驚積翠流俯身如揖萬山稠經過不盡
前朝色莽蕩真成五月秋齊魯片雲隨倚杖乾